



**KULINGULA KUBALA AKULEMBA MU GILEDI 3 MU
2022**

CHITONGA

PEPA LYABAYI

TEEMU 3

MVWIKI 5

MALAILILE KUBAYI

1. Kwacaala buzuba bomwe bwakatalika kulingula, weelete kubala pepa lyabayi kutegwa umvwisisisyé malailile aali mupepa.
2. Bala mubuzyo omwe-omwe bweelede **zyiindi zyobilo** mbuli mboulembewé mupepa lyakulingula.
3. Ubone cuti basicikolo baumvwa mubuzyo bweelede akuwiingula kotaninga zumanana kubala mubuzyo uutobela.
4. Weelete kulingula basicikolo antoomwe muzyibeela **A, B, C a D**. Muzyibeela **E a F**, lingula sicikolo omwe-omwe.
5. Kunyina ciindi cipedwe mukulingula ooku, pele kulingula basicikolo antoomwe muzyibeela **A, B, C a D** inga kwatola woola lyomwe. Kulingula sicikolo omwe-omwe mucibeela **E a F** inga kwatola mamineti **7** kusika ku **8**.
6. Kotana talika kulingula, lemba zyibeela **A, B, C a D** aboodi mbuli mbozyilembewé mupepa lyasicikolo kutegwa basicikolo batobeleye bweelede.

MALAILILE KULI BASICIKOLO

Tulabaa cakucita. Eeci cakucita cijatikizya kubala akulemba. Ndilamubuya mibuzyo ijatikizya nzyetaambe anzyomutibale. Tulatalika cakucita eeci muciindi cisyoonto. Ulembe bwiinguzi mubbuku lyako lyakulembela. Sena mwilibambila kutilika?

Mwiyyi: Kobona masimpe cuti basicikolo balibambila kulingulwa kwiinda:

- Mukubona masimpe cuti aumwi sicikolo ulijisi bbuku lyakulembela acakulembya.
- Mukubona masimpe cuti boonse basicikolo balakonzya kubona zylembewé aboodi.

CIBEELA A: MABALA (VOCABULARY)

1. Ambila basicikolo: Amulange anamba 1 abboodi. Kuli tubeela twabbala tudyobengene twapegwa tuli 4. Bamba bbala lilaa ncolyaamba kuzwa kutubeela twabbala twapegwa. Sala bbala kuzwa kumabala apegwa mutubbokesi abboodi. Lemba bwiinguzi mubbuku lyako lyakulembela. Tubeela twabbala ntootu: **nyi mwee na ni**

| | | |
|---------|-----------|-------------|
| munyina | mweenyina | mweeninyina |
|---------|-----------|-------------|

Bwiinguzi buluzi: **mweeninyina**.

2. Ambila basicikolo: Amulange anamba 2 abboodi. Kuli mabala otatwe aapegwa. Bikka mabala aya mbuli mbwaatobelana
Kuti abikkwa mwaalufabbeti. Lemba bwiinguzi mubbuku lyako lyakulembela. Mabala ngaaya: **zinguluka, tantalika, zambaila.**

Bwiinguzi buluzi: **tantalika, zambaila, zinguluka**

3. Ambila basicikolo: Amulange anamba 3 abboodi. Kuli mabala apegwa. Ndilaamba bbala. Sala bbala kuzwa kumabala aapegwa mutubbokesi lyaamba cintu comwe abbala ndetaambe. Lemba bwiinguzi mubbuku lyako lyakulembela.

Bbala ngu: **makatulo**

| | | |
|----------|--------|-----------|
| malekani | mabusu | makkatani |
|----------|--------|-----------|

Bwiinguzi buluzi: **mabusu**

4. Ambila basicikolo: Amulange anamba 4 abboodi. Kuli kaambo katamaninide kulembwa. Manininzya kaambo aaka kubelesya bbala liluzi kuzwa kumabala aapegwa mutubbokesi abboodi. Lemba bwiinguzi mubbuku lyako

Iyakulembela. Kaambo nkaaka: **Aya mango alalweela mbuli**

_____.

| | | |
|-------|----------|-------|
| sautu | malemani | ccuka |
|-------|----------|-------|

Bwiinguzi buluzi: **ccuka**

CIBEELA B: KUMVWISISISYA KUBALA (COMPREHENSION)

Ambila basicikolo: Amulange kaano kalaa bboodi. Ndilamupa 1 mineti wakubala kaano. Bala kaano mukaumu-umu, kwamana, ndilabuzya mibuzyo yobilo. Lino talika kubala.

KAANO:

Mainza musankwa mulondo kapati ciindi coonse.

Ulayandisyia lyoonse kusama yunifomu yalo inyina tombe.

Mainza ulabona lyoonse kuti walo yunifomu yakwe iliccisdwe .

Bamayi boonse balamukkomanina kapati kumubona kucikolo.

Basicikolo bamwi balayandisisya kuba balondo mbuli Mainza.

Lino koingula mibuzyo

5. Ino Nguni usama yunifomu inyina tombe?

| | | |
|------------|--------|--------|
| Basicikolo | Bamayi | Mainza |
|------------|--------|--------|

Bwiinguzi buluzi: **Mainza**

6. Yunifomu ya Mainza lyoonse

| | | |
|------------|----------------|----------|
| iliccisdwe | balaikkomanina | ilatombe |
|------------|----------------|----------|

Bwiinguzi buluzi: **iliccisdwe**

CIBEELA C: KUPELA (SPELLINGS)

7. Ambila basicikolo: Amulange anamba 7 abboodi. Kuli bbala litajisi tubala tumwi. Ndilalyaamba bbala eeli **zyiindi zyobilo**. Lino manininzya bbala kwiinda mukubikka tubala tutako. Lemba bbala mubbuku lyako lyakulembela. Bbala ngu:

balakamba .

b____la____a____m____a

Bwiinguzi buluzi: **balakamba**.

8. Ambila basicikolo: Amulange anamba 8 abboodi. Kuli bbala litajisi tubala tumwi. Ndilalyaamba bbala eeli zyiindi zyobilo. Lino manininzya kulemba bbala kwiinda mukubikka tubala tutako. Lemba bbala mubbuku lyako lyakulembela.
Bbala ngu: **cavwumba**.

c____vw____m____a

Bwiinguzi buluzi: **cavwumba**

9. Ambila basicikolo: Amulange anamba 9 abboodi. Kuli keengwe. Ndilaamba bbala **zyiindi zyobilo**. Lemba bbala buluzi mubbuku lyako lyakulembela. Bbala ngu: **watengwa**.

Bwiinguzi buluzi:**watengwa**.

10. Ambila basicikolo: Amulange anamba 10 abboodi. Kuli keengwe. Ndilaambila bbala **zyiindi zyobilo**. Lemba bbala buluzi mubbuku lyako lyakulembela. Bbala ngu:**mbwakkalila**.

Bwiinguzi buluzi: **mbwakkalila**.

CIBEELA D: KULEMBA (WRITING)

11. Ambila basicikolo: Amulange anamba 11 abboodi. Kuli kaambo kajisi mabala aswaangene. Lembulula kaambo aaka buluzi mubbuku lyako lyakulembela kwiinda mukwaandaanya mabala aswaangene. Kaambo nkaaka:

Bataatababwezedekembe kabosya.

Bwiinguzi buluzi: **Bataata babwezede keembe kabosya.**

12. Ambila basicikolo: Amulange anamba 12 abboodi. Ndilaamba kaambo **zyiindi zyobilo**. Swiilila kabotu - kabotu. Lemba kaambo aaka buluzi mubbuku lyako lyakulembela. Kaambo nkaaka:

Tacikonzyi kukkala nkaambo ulaa cuute.

Bwiinguzi buluzi: **Tacikonzyi kukkala nkaambo ulaa cuute.**

CIBEELA E: KUBALA (READING)

13. Ambila sicikolo: Ndilakutondezya pepa lijisi bbala. Bala bbala cakupozya. Ndilakupa masekondi 5 aakubala bbala. Bbala ndeeli: **(Tondezya bbala kuli sicikolo). mbobatwa**

Bwiinguzi buluzi: **mbobatwa**

14. Ambila sicikolo: Ndilakutondezya pepa lijisi bbala limbi. Bala bbala cakupozya. Ndilakupa masekondi 5 aakubala bbala. Bbala ndeeli: : **(Tondezya bbala kuli sicikolo). mbwebede**

Bwiinguzi buluzi: **mbwebede**

15. Ambila sicikolo: Ndilakutondezya pepa lijisi kaambo. Bala kaambo cakupozya. Ndilakupa masekondi 10 aakubala kaambo. Kaambo nkaaka: **Musankwa wapa kaaze mukupa.** (**tondezya kaambo kuli sicikolo**)

Bwiinguzi buluzi: **Musankwa wapa kaaze mukupa.**

16. Ambila sicikolo: Ndilakutondezya pepa lijisi kaambo kambi. Bala kaambo cakupozya. Ndilakupa masekondi 10 aakubala kaambo. Kaambo nkaaka: **Basimbi basyangila baneene nyemu.** (**tondezya kaambo kuli sicikolo**).

Bwiinguzi buluzi: **Basimbi basyangila baneene nyemu.**

CIBEELA F: KUBALA BWEELEDE (FLUENCY)

MALAILILE KUBAYI:

Cibeela eeci cijisi mamaaka 4 aapedwe kumanamba 17, 18, 19 a 20 apepa lipedwe mamaaka. Mukupa mamaaka kuli basicikolo, tobelezya pepa lipedwe lyakupa mamaaka akubala bweelede.

PEPA LIPEDWE MAMAAKA AKUBALA BWEELEDE

| ZYIBEELA ZYAKULINGULA | BWAKUPA MAMAAKA | | | |
|--------------------------|---|---|---|---|
| MABALA MBWAABALWA | wabala bweelede mabala 6 kusika ku 12. maaka 1 | wabala bweelede mabala 13 kusika ku 19. maaka 2 | wabala bweelede mabala 20 kusika ku 27 maaka 3 | wabala bweelede mabala 28 kusika ku 35. maaka 4 |
| TWAANDAANYO | wabelesya biyo twaandaanyo 1 kusika ku 2. maaka 1 | wabelesya twaandaanyo 3 kusika ku 4. maaka 2 | wabelesya twaandaanyo 5 kusika ku 6. maaka 3 | wabelesya twaandaan yo 7 kusika ku 10. maaka 4 |
| KUFWAMBAANA KUBALA | wabala biyo mabala 6 kusika ku 12 buluzi muciindi cipedwe. maaka 1 | wabala biyo kabala 13 kusika ku 19 buluzi muciindi cipedwe. maaka2 | wabala biyo mabala 20 kusika ku 27 buluzi muciindi cipedwe. maaka 3 | wabala biyo mabala 28 kusika ku 35 buluzi muciindi cipedwe. maaka 4 |

Ambila Sicikolo: Ndiyanda kuti ubale kaano cakupozya akufwambaana-fwambaana. Ndilakupa 1 mineti wakubala kaano. **(kopa kaano kuli sicikolo).**

Lino, talika kubala kaano.

KAANO

**Chipego,ndiyanda kuti sunu undaambila cimwi cintu.
Ijilo,wakandaambila kuti ndeelede kutenda mala angu malamfwu.
Ino nkaambo nzi ncendeelede kutenda mala angu aakumaanza?
Mala malamfwu kumaanza taali kabotu pe, Mutinta.
Alakucita kuti uboneke tombe lyoonse.**

CIZYIBYO: Sicikolo inga wapegwa **zilo** kufwumbwa muzyibeela zyakulingulwa mwaatakonzya kujana maaka 1.

Kujana mamaaka amamanino aakubala bweelede, divaida 3 mumaaka ajanwa asicikolo.

Mamaaka amamanino = mamaaka ajanwa asicikolo
3

Mukozyanyo: Kuti sicikolo wajana mamaaka accilila mukubala bweelede:

| | | |
|---------------------------------|---|----------|
| Mabala mbwaabalwa | → | 3 |
| Twaandaanyo | → | 3 |
| <u>Kufwambaana kubala</u> | ⇒ | <u>3</u> |
| <u>Mamaaka ajanwa asicikolo</u> | ≡ | <u>9</u> |

Muli kooku, ooyu sicikolo wajana mamaaka **9** kuzwa kumamaaka

12. Wamana divaida **3** muli **9** kujana mamaaka amamanino. Mamaaka amamanino ngu **3**. Muli kooko, sicikolo wajana mamaaka **3** kuzwa kumamaaka **4** mukulingulwa kwakubala bweelede.